

Vjerske zajednice mogu izdavati udžbenike i drugo nastavno sredstvo koje služi za potrebe nastave u vjerskim školama i za vjersku poduku.

Član 9.

Izdavači školskog udžbenika i drugih nastavnih sredstava imaju urednika sa odgovarajućom visokom spremom za svaki školski udžbenik i za druga nastavna sredstva i u skladu sa svojim opštim aktom. Isto lice može biti urednik za više školskih udžbenika i drugih nastavnih sredstava.

Član 10.

Školski udžbenik i druga nastavna sredstva izdaju se nakon stručne verifikacije od strane stručne komisije koju imenuje ministar obrazovanja.

Član 11.

Udžbenici se izdaju na bosanskom, hrvatskom i srpskom jeziku, latiničnim i ćiriličnim pismom.

III KAZNENE ODREDBE

Član 12.

Novčanom kaznom od 1.000,00 do 5.000,00 KM kazniće se za prekršaj pravno lice:

1. ako ne obezbjedi urednika za svaku publikaciju (član 5)
2. ako ne odredi stručne recenzije za izdanje (član 6) za prekršaj iz prethodnog stava kazniće se i odgovorno lice izdavača kaznom od 5.000,00 do 1.000,00 KM
3. ako ne obezbijedi urednika sa odgovarajućom visokom stručnom spremom (član 9.)

IV ZAVRŠNE ODREDBE

Član 13.

Ovaj Zakon stupa na snagu danom objavljivanja u "Službenom glasniku Unsko-sanskog kantona".

Broj: 01-I-131/03 Predsjedavajuća Skupštine
11. i 16. decembar 2003. g. Unsko-sanskog kantona
Bihac dr. Jasminka Durić

1059.

Na osnovu člana 10 b, odjeljka A poglavlja V Ustava Unsko-sanskog kantona, Skupština Unsko-sanskog kantona na prijedlog Vlade Unsko-sanskog kantona, na 15. sjednici održanoj 11. i 16. decembra 2003. godine, donijela je

ZAKON O PRAVIMA SAMOSTALNIH UMJETNIKA

I OPĆE ODREDBE

Član 1.

Samostalni umjetnici u smislu ovog Zakona su umjetnici koji nisu u radnom odnosu, a kojima je umjetničko i stvaralaštvo jedino i glavno zanimanje.

Član 2.

Područja umjetničkog stvaralaštva su: književno, književno- prevodilačko, pozorišno, filmsko, muzičko, muzičko-scensko, plesno, baletno, likovno i primjenjeno likovno (slikarstvo, kiparstvo, arhitektonsko), umjetničko oblikovanje, umjetnička fotografija, multimedijalno stvaralaštvo i sl.

Član 3.

Prema području umjetničkog stvaralaštva i djelovanja, umjetnici se, zbog ostvarivanja zajedničkih interesa, mogu udruživati u umjetnička strukovna udruženja u skladu sa zakonom.

II STICANJE STATUSA

Član 4.

Status samostalnog umjetnika stiče se na osnovu mišljenja stručne komisije koju imenuje ministar nadležan za djelatnost kulture (u daljem tekstu: ministar).

Inicijativu za sticanje statusa samostalnog umjetnika može dati odgovarajuće udruženje samostalnih umjetnika ili sam umjetnik.

Inicijative se razmatraju najkasnije do 31. oktobra tekuće godine.

Podnosilac je obavezan da uz zahtjev priloži:

1. kopiju lične karte i prijavnicu
2. mišljenje strukovnog udruženja sa biografskim podacima umjetnika
3. potvrdu Zavoda za zapošljavanje da podnosilac nije u radnom odnosu i kopiju radne knjižice
4. kopije dodijeljenih nagrada i priznanja uz cjelovitu dokumentaciju o primarnom umjetnikovom stvaralaštvu.

Ministarstvo rješenjem utvrđuje status samostalnog umjetnika ili odbija zahtjev podnosioca u skladu sa odredbama zakona kojim se uređuje pravni postupak.

Protiv rješenja iz prethodnog stava, a u roku od 15 dana od njegovog dostavljanja dozvoljena je žalba ministru.

Rješenje ministra je konačno u pravnom postupku i protiv njega se može voditi upravni spor kog nadležnog suda.

U postupku rješavanja po odredbama ovog člana odgovarajuće se primjenjuju odredbe zakona kojim se uređuje upravni postupak.

Član 5.

Bliži uvjeti za priznavanje statusa samostalnog umjetnika utvrđuju se Pravilnikom o kriterijima za priznavanje statusa samostalnih umjetnika koji donosi ministar na usuglašen prijedlog postojećih udruženja koja okupljaju samostalne umjetnike.

Član 6.

Stručnu komisiju iz člana 4 imenuje ministar.

Komisiju čine jedan predstavnik ministarstva i četiri istaknuta umjetnika iz različitih područja umjetnosti kao stalni članovi i četiri promjenljiva člana koji rade u komisiji kada su na dnevnom redu zahtjevi iz područja njihovog djelovanja.

Sredstva za rad stručne komisije obezbjeđuju se u Budžetu Unsko-sanskog kantona.

Mandat članova komisije traje četiri godine.

Sastav i način rada stručne komisije uređuje se bliže njenim poslovnikom.

III PRAVA SAMOSTALNIH UMJETNIKA**Član 7.**

Pod uvjetima utvrđenim ovim Zakonom samostalnom umjetniku se priznaje pravo na plaćanje doprinosa za penziono-invalidsko i zdravstveno osiguranje.

Član 8.

Pravo na plaćene doprinose za penziono-invalidsko i zdravstveno osiguranje ima umjetnik koji u prethodnoj kalendarskoj godini ostvari prihod utvrđen po propisima o porezima građana manji od mjesečne neto plaće ostvarene u Federaciji Bosne i Hercegovine.

Samostalni umjetnici su dužni najkasnije do 31. januara tekuće godine da podnesu Ministarstvu uvjerenje o ukupnom prihodu za proteklu godinu izdato od nadležnog poreskog organa.

IV PRESTANAK STATUSA I MIROVANJE PRAVA SAMOSTALNIH UMJETNIKA**Član 9.**

Prestanak statusa i prava na uplatu doprinosa nastupa:

- na vlastiti zahtjev samostalnog umjetnika;
- ako samostalni umjetnik ode na redovan studij;
- ako samostalni umjetnik zasnjuje stalni radni odnos;
- ako samostalni umjetnik bude pravosnažnom odlukom suda upućen na izdržavanje kazne zatvora u trajanju dužem od šest mjeseci;
- ako se u postupku revizije utvrdi da samostalni umjetnik ne ispunjava uvjete u skladu sa kriterijima iz ovog Zakona;
- ako samostalni umjetnik ispunjava uvjete za odlazak u penziju.

Član 10.

Mirovanje statusa samostalnog umjetnika i prava na uplatu doprinosa nastupa:

- ako samostalni umjetnik ode na služenje vojnog roka, do povratka;
- ako je samostalni umjetnik izabran za funkcionera u bilo kojem nivou vlasti;
- ako samostalni umjetnik zasnjuje radni odnos u trajanju od najduže jedne godine, do prestanka radnog odnosa, a odnosno do isteka jedne godine;
- ako samostalni umjetnik izdržava kaznu zatvora šest mjeseci.

Član 11.

Samostalni umjetnik kojem je pravo na platu doprinosa mirovalo, za obnavljanje prava na uplatu doprinosa treba podnijeti zahtjev u roku od 15 dana od dana kad su prestali razlozi za mirovanje.

Ako samostalni umjetnik ne podnese zahtjev u roku iz prethodnog stava, ministar će donijeti rješenje o prestanku prava na platu doprinosa.

Član 12.

Ministarstvo vodi registar samostalnih umjetnika.

Sadržaj i način vođenja registra iz stava 1. ovog člana propisuje ministar.

Član 13.

Revizija stečenih prava samostalnih umjetnika vrši se svake četvrtne godine.

Reviziju vrši stručna komisija.

V PRELAZNE ODREDBE**Član 14.**

Ministar će donijeti pravilnike iz člana 5. ovog Zakona u roku od mjesec dana od dana stupanja na snagu ovog Zakona.

Član 15.

Ministarstvo će uspostaviti registar samostalnih umjetnika u roku od 30 dana od dana donošenja Pravilnika iz člana 12. ovog Zakona.

Član 16.

Samostalni umjetnici kojima je do dana stupanja na snagu ovog Zakona priznato pravo na uplatu doprinosa, zadržavaju to pravo do okončanja postupka prve revizije.

Član 17.

Ovaj Zakon stupa na snagu danom objavljivanja u "Službenom glasniku Unsko-sanskog kantona".

DOPUNA ČLANOVA

12.05.2003

PROSJEČNE